

Palopalema hono ma'ú: Vai paracetamol

(Pu'aki 'pa-ra-SII-ta-mol')

Ko e vai paracetamol 'oku ngāue lahi 'aki ki he mofi mo e fakafiemālie 'a e felangāki', tautefito ki he fānau iiki'. Mei he 'aho 1 'o Sepitema 2022, 'e kamata ke motuhia 'a hono ma'ú 'o e vai 'oku fakapa'anga ko e paracetamol (Paracare). Ke fakapapau'i 'e hokohoko atu 'a hono ma'ú mai', 'e fetongi 'a e Paracare 'aki 'a e hingoa fo'ou ko e Avallon paracetamol.



'Oku anga fēfē 'a e kehe 'a e Avallon paracetamol?

120 mg 'i he 5mL (vaivai ange 'a e mālohi')

'Oku kehe hono lanu' mo hono ifo'. 'Oku 'ikai fu'u hinehina 'a e lanu 'o e Avallon pea 'oku ifo hangē ha situloapeuli/vanila.

240 mg 'i he 5mL (ma'olunga ange 'o e mālohi')

- Ko e fua 'o e 240mg 'i he 5mL 'oku kehe ia mei he Paracare Double Strength, 'a ia 'oku 'i ai 'a e 250mg 'i he 5mL. 'E lava ke 'uhinga 'eni ko e lahi 'o e faito'o 'oku ke 'oange ki ho'o tamasi'i', 'e malava ke liliu. Vakai ki he fua 'o e faito'o 'i he peesi hono hoko'.
- Ko e mālohi ko 'eni' 'oku lanu panefunefu hinehina pea 'oku ifo hangē ha situloapeuli/vanila.



Ko e ongo mālohinga 'o e Avallon paracetamol ko e tatau hona lanu' mo e ifo'. Lau ma'ú pē 'a e leipolo' pea 'oange ki ho'o tamasi'i' 'a e fua totonu. **'OUA te ke fakafalala 'i he lanu', nanamu' pe ifo'.** 'Eke ki ho'o Toketā fakafāmilī', neesi' pē tokotaha talavai' kapau 'oku 'ikai ke ke fakapapau'i pe ko e hā 'a e fua ke ngāue'aki'.



Fakatokanga'i ange

Ko e ngaahi me'a 'oku ngaohi'aki 'oku 'ikai ngāue' (inactive ingredients) hangē ko e ngaahi fakaifoifo', fakalanu' mo e suka', 'e lava ke kehe ia. Kapau 'oku 'i ai ha'o ngaahi fehu'i fekau'aki mo e ngaahi me'a' ni, talanoa ki ho'o toketā fakafāmilī', neesi' pe tokotaha talavai'.



Ko e Avallon 240mg 'i he 5 mL 'oku 'ikai ke tali/ fakangofua 'e he Medsafe

Neongo 'oku tali ia 'i 'Aositelēlia, ka kuo te'eki ai ke fou 'a e Avallon 240mg 'i he 5 mL, 'i he founa ke tali ai 'e he Medsafe 'a Nu'usila'. 'Oku 'ikai ke 'uhinga 'eni 'oku 'ikai ke malu 'a e faito'o'.

Ko e hā 'a e lahi 'o e paracetamol 'oku totonu ke u 'oange ki he'eku tamasi'i'?

- Ko e lahi 'o e paracetamol 'oku fakatefito ia 'i he mamafa 'o ho'ou tamasi'i'.
- Fua 'a e mamafa ho'ou tamasi'i' PEA vakai'i 'a e mālohi 'o e paracetamol 'oku ke ma'u'.
- Ngāue'aki 'a e fua 'oku hā 'i he tēpile 'i lalo' ke 'ilo'i 'a e fua totonu'.

Kimu'a pea 'oange ki ho'ou tamasi'i' 'a e paracetamol:

- Vakai'i pe 'oku kei fiema'u 'e ho'ou tamasi'i'.
- Tatali 'o 'oua 'e toe si'isi'i'ange 'i he houa 'e 4, kae toki fakahoko 'a e faito'o hoko' (doses).
- 'OUA 'e 'oange 'o laka hake he tu'o 4 'i he houa 'e 24.
- Vakai'i 'a e 'aho 'oku 'osi ai 'a hono ngāue'aki'.



'Oku mahu'inga ke 'oua na'a ngāue'aki 'e ho'ou tamasi'i' 'o lahi hake 'i he fua 'oku fokotu'u atu ke ngāue'aki faka'aho'. Kapau 'e fu'u lahi 'a e me'a 'e ngāue'aki 'e ho'ou tamasi'i'- 'i he taimi pe 'e taha pē 'i ha ngaahi 'aho - 'e maumau'i 'e he paracetamol 'a hono 'ate'.

Ko e tēpile ki he fua 'o e paracetamol

Mamafa 'o e tamasi'i'	120 mg 'i he 5 mL	250 mg 'i he 5 mL	240 mg 'i he 5 mL (mālohi fo'ou)
Si'isi'i'ange 'i he 5 kg	'Eke ki ho'ou toketā' pe tokotaha talavai'	'Eke ki ho'ou toketā' pe tokotaha talavai'	'Eke ki ho'ou toketā' pe tokotaha talavai'
5 kg	3 mL	1.5 mL	1.5 mL
6 ki he 7 kg	3.5 mL	1.5 mL	1.5 mL
8 ki he 9 kg	5 mL	2 mL	2.5 mL
10 ki he 12 kg	6 mL	3 mL	3 mL
13 ki he 14 kg	8 mL	4 mL	4 mL
15 ki he 16 kg	9.5 mL	4.5 mL	4.5 mL
17 ki he 18 kg	10.5 mL	5 mL	5 mL
19 ki he 20 kg	12 mL	5.5 mL	6 mL
21 ki he 22 kg	13 mL	6.5 mL	6.5 mL
23 ki he 25 kg	14.5 mL	7 mL	7 mL
26 ki he 28 kg	16.5 mL	8 mL	8 mL
29 ki he 32 kg	18 mL	8.5 mL	9 mL
33 ki he 36 kg	20.5 mL	10 mL	10 mL
37 ki he 41 kg	23 mL	11 mL	11.5 mL
42 ki he 60 kg	26 mL	12.5 mL	13 mL
Lahi ange 'i he 60 kg	30 ki he 40 mL	15 ki he 20 mL	15 ki he 20 mL

 **Ki ha toe fakamatala lahi ange fekau'aki mo e vai paracetamol vakai ki he pharmac.govt.nz/paracetamol-liquid**

PHARMAC
TE PĀTAKA WHAIORANGA